

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 079097 25 K
Dana: 07.04.2026. godine

U IME FEDERACIJE BIH!

Općinski sud u Tešnju, sudija Besima Ajanović, uz sudjelovanje zapisničara Hidajete Mehinović, u krivičnom predmetu protiv optuženog U. R., sin M., M. broj ..., općina Tešanj, zbog krivičnog djela Krađa“ iz člana 286. stav 1. KZ F BiH, a po optužnici Kantonalnog tužilaštva ZE-DO kantona Zenica broj T04 0 KT ... 25 od 04.11.2025. godine, nakon održanog ročišta za razmatranje izjave o priznanju krivnje i izricanja krivično pravne sankcije, u prisutnosti tužitelja Kantonalnog tužilaštva ZE-DO kantona Ahmetlić Amre i optuženog U. R. lično, dana 10.03.2026. godine donio je sljedeću:

P R E S U D U

OPTUŽENI: U. R., sin M. i majke B. rođene V., rođen ... godine u Zenici, nastanjen u mjestu M. broj ... općina Tešanj, po narodnosti Bošnjak, državljanin BiH, JMB: ..., pismen, sa završenom SSS, po zanimanju zavarivač, nezaposlen, neoženjen, vojsku nije služio, srednjeg imovnog stanja, neosuđivan

K R I V J E

što je :

dana 05.12.2024. godine, u popodnevnim satima, u Tešnju, s ciljem pribavljanja protivpravne imovinske koristi, dok se nalazio u prostorijama fitnes kluba „B. E.“ u mjestu Jelah, uzeo i prisvojio mobilni telefon marke Samsung A71, SM-A715F/DS, Prism Crush Black, crne boje, sa maskicom „Generacija“, IMEI:..., IMEI2:..., sa SIM karticom telefonskog broja: ..., vlasništvo K. A., a koji telefon se nalazio na spravama za vježbanje, iako je bio svjestan da na ovaj način prisvaja tuđu pokretnu stvar, to je i htio, pa je na taj način oštetio K. A. za iznos od 350 KM,

dakle, tuđu pokretnu stvar oduzeo drugom u namjeri da njenim prisvajanjem pribavi sebi ili drugom protivpravnu imovinsku korist,

čime je počinio krivično djelo krađe iz člana 286. stav 1. KZ F BiH, pa mu se primjenom navedenih zakonskih odredaba i na osnovu odredaba člana 49. i 62. KZ FBiH, izriče

UVJETNA OSUDA

Kojom se optuženom U. R., sin M., M. broj ..., općina Tešanj, zbog krivičnog djela Krađa“ iz člana 286. stav 1. KZ F BiH, utvrđuje kazna zatvora u trajanju od 2 (dva) mjeseca, a koja kazna se neće izvršiti ukoliko optuženi u roku od 1 (jedne godine) računajući od dana pravosnažnosti presude ne učini novo krivično djelo.

Optuženi se obavezuje na plaćanje troškova krivičnog postupka-paušala u iznosu od 50,00 KM, u roku od 30 dana od dana pravosnažnosti presude.

O b r a z l o ž e n j e

Kantonalno tužilaštvo ZE-DO kantona Zenica optužnicom broj: T04 0 KT ... 25 od 04.11.2025. godine, optužilo je U. R., sin M., M. broj ..., općina Tešanj, zbog krivičnog djela "Krađa" iz člana 286. stav 1. KZ FBiH, počinjenog na način, vrijeme i mjesto kako je to поближе opisano u optužnici, temeljeći optužbu na dokazima koji su predloženi u optužnici.

Sudija za prethodno saslušanje ovog suda potvrdio je ovu optužnicu dana 10.11.2025. godine.

Na ročištu za izjašnjenje o krivnji optuženi, nakon što je u smislu odredaba člana 13. ZKP-a, poučen o svojim pravima izjavio je da je izvršio radnje na način i vrijeme kako je to opisano u dispozitivu ove presude, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje uvjerenje suda je da je do priznanja krivnje optuženog došlo dobrovoljno, svjesno i sa razumijevanjem, da je optuženi svjestan svih posljedica i obaveza koje proističu iz priznanja krivnje te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage i to: fco. fiskalni račun i garantni list za mobilni telefon marke Samsug Galaxy A71, odobrenje Kantonalnog tužilaštva od 16.12.2024. godine, Naredbu Općinskog suda u Tešnju broj: 39 0 K ... 24 Kpp od 26.12.2024. godine, Potvrdu o privremenom oduzimanju predmeta PS Tešanj broj... od 30.12.2024. godine na ime P. J. sa CD-om, Službenu zabilješku PS Tešanj broj: ... od 10.01.2025. godine, Izvod iz kaznene evidencije za optuženog U. R. PU I Zenica od 15.10.2025. godine, Zapisnik o saslušanju svjedoka K. A. PS Tešanj broj: ... od 10.12.2024. godine i broj: ... od 21.01.2025. godine, Zapisnik o saslušanju svjedoka K. L. PS Tešanj broj: ... od 10.12.2024. godine i Zapisnik o saslušanju svjedoka L. J. PS Tešanj broj... od 11.12.2024. godine.

Iz provedenih dokaza jasno proizilazi da je optuženi počinio radnje opisane u činjeničnom opisu optužnice, odnosno da je dana 05.12.2024. godine, u popodnevnim satima, u Tešnju, dok se nalazio u prostorijama fitnes kluba „B. E.“ u mjestu Jelah, uzeo i prisvojio mobilni telefon marke Samsung A71, SM-A715F/DS, Prism Crush Black, crne boje, sa maskicom „Generacija“, IMEI:..., IMEI2:..., sa SIM karticom telefonskog broja: ..., vlasništvo K. A., a koji telefon se nalazio na spravama za vježbanje, pa je na taj način ošteti K. A. za iznos od 350 KM.

Dakle, iz provedenih dokaza jasno proizilazi da je optuženi tuđu pokretnu stvar-mobilni telefon sa SIM karticom oduzeo drugom u namjeri da njenim prisvajanjem pribavi sebi protupravnu-imovinsku korist, čime su se u ovakvim radnjama optuženog stekla se sva bitna obilježja krivičnog djela „Krađa“ iz člana 286. stav 1. KZ FBiH. Optuženi je svjestan svog djela i htio njegovo izvršenje, pa kako ne postoje okolnosti koje isključuju njegovu odgovornost, sud ga je oglosio krivim i osudio kao u dispozitivu ove presude.

Prilikom odlučivanja o vrsti i visini krivično pravne sankcije, sud je cijenio na strani optuženog sve okolnosti koje su od značaja za odmjeravanje kazne. Od olakšavajućih okolnosti

sud je našao da optuženi priznaje izvršenje djela koje mu se stavlja na teret, da je mlad, da pokazuje iskreno kajanje, da nije osuđivan, da oštećeni ne potražuje štetu odnosno da je optuženi istu namirio, otežavajućih okolnosti sud nije našao, pa imajući u vidu navedene olakšavajuće uz odsustvo otežavajućih okolnosti sud je optuženom izrekao uvjetnu osudu kojom je utvrdio kaznu zatvora u trajanju od 2 (dva) mjeseca i istovremeno odredio da se ista neće izvršiti ukoliko optuženi u roku od 1 (jedne) godine dana računajući od dana pravosnažnosti presude ne učini novo krivično djelo, smatrajući da je ova krivično pravna sankcija adekvatna težini krivičnog djela kao i ličnosti učinioca i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

Optuženi je u smislu odredaba člana 199. ZKP FBiH obavezan da na ime troškova postupka-paušala uplati iznos od 50,00 KM u roku od 30 dana od dana pravosnažnosti presude.

O imovinsko-pravnom zahtjevu sud nije odlučivao s obzirom da je oštećeni K.A. na Zapisnik u PS Tešanj od 21.01.2025.godine izjavio da mu je optuženi namirio novčani iznos u protiv vrijednosti njegovog telefona, zbog čega ne potražuje štetu niti traži njegovo krivično gonjenje.

Na osnovu svega navedenog odlučeno je kao u dispozitivu presude.

PRAVNA POUKA:

Protiv ove presude dozvoljena je žalba
Kantonalnom sudu u Zenici putem ovog suda
u roku od 15 dana od dana prijema presude.

SUDIJA

Besima Ajanović